



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Angela De Fvlginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

c. 46. De prima visione illarum quatuor visionum & consolationum quas habuit super filiis suis spiritualibus, qui ve[n]turi & sequuturi erant Iesum Christum ad detegendum & manifestandam viam crucis.

urn:nbn:de:hbz:466:1-43716

recipiebat & acceptabat nihil possum dicere, quia est mihi impossibile manifestare. Altera vice vidi beatam virginem me ad cognitionem exhortantem, & benedicientem, & mihi dolorem suæ compassionis quam habuit de filio suo dicentem.

Quadragesimum sextum capitulū. De De prima visione illarum quatuor visionum & consolationum quas habuit super filius suis spirituales, qui uenturi & sequuturi erant Iesum Christum ad detegendam & manifestandam viam crucis.

QVADAM vice eleuata, & attracta pariter & absorpta in lumen increatum, videbam quæ non possum dicere. Remanente autem hac influentia, apparuit mihi effigies benedicti Dei hominis crucifixi, quasi tunc nouiter de cruce depositi. Cuius

quam vidit super filis spirit. 187

sanguis apparebat sic recens & rubicundus, & per vulnera effluens, ac si tunc immediatè de recentibus vulneribus efflueret. Et apparuit in iuncturis eius tanta dissolutio neruorum ex dira protensione extensionis in cruce, quod iuncturæ ossium à debito loco videbantur omnino laxatæ, ad cuius conspectum plus quàm possit dici transfixa sunt viscera mea, & dolebã plus quàm quibuscunque doloribus fuerim ante affecta.

Dum igitur sic starem tota absorpta ab illo dolore, ecce subito circa crucifixum multitudo filiorum apparuit, qui deuoti erant ad prædicandum, & imitandum paupertatem, despectum & dolorem crucifixi. Benedictus igitur Iesus eos aduocatos ad se & tractos cū tanto amore singulos amplexans, ad vulnus lateris osculandum cum manibus suis, eorum trahens & stringens capita applicabat, quod gaudium

Quanta benedictione donet dominus eos qui verbi sui præcones & amplificatores sunt.

ex hoc in anima mea genitum de
tam euiscerato amore super eos
ostenso me fecit obliuisci dolo-
rem supradictum. Erat autē gra-
dus diuersorum in applicatione
filiorum ad latus, quia quosdam
etiam sæpius applicabat, quosdā
plus quā minus infigebat quosdā
intus totaliter absorbebat, appa-
rebātque in labiis rubricatio ru-
bentis sanguinis, qui in aliqui-
bus genas, & totam faciem de-
corabat, & colorabat secundum
gradus supra expressos, singulis-
que largas benedictiones infun-
dens dicebat. O benedicti filij
discooperite viam crucis, pau-
pertatis, scilicet, meæ, & despe-
ctus & doloris mei, quo modo
temporaliter cooperatores abū-
dant: quia ego singulariter vos
elegi, vt per vos discooperiatur,
& manifestetur veritas mea con-
culcata, & absconsa vestro ver-
bo & exemplo. Et intellexit ani-
ma mea, quod sicut applicatio
ad latus secundum diuersos gra-

quam vidit super filiis spirit. 189
dus apparebat. Sic & verba di-
uersimode de singulis filiis pro-
ponebantur. Eset autem impos-
sibile exprimere euisceratum a-
morem qui relucebat in aspectu
oculorum illius benedictæ faciei
Dei hominis Iesu Christi, super
istos filios, & in applicatione ad
sacrum vulnus, & in omnibus
signis, & verbis & benedictioni-
bus super eos factis & prolatis.

Quadragesimum septimum capitulum.

*De secunda visione & consolatione
quam vidit super præfatis filiis suis
spiritualibus super eisdem.*

ALIA vice dum essem in
quadam processione, sensi
illum abyssalem attractum in-
creati Dei, modo quo dictum
est supra, modo ineffabili. Vidi-
que benedictum Deum trinum,
& vnum in sua maiestate, inha-
bitare mentes filiorum, transfor-
mando istos filios diuersimodè
in se, secundum gradus supra ex-